

Universitätsbibliothek Paderborn

**Conversio Peccatoris, Seu Modus quo Peccator
communiter resurgit ad justitiam.**

Lefelon, Antoine

Bruxellis, 1675

§. 5. Quaedam dulcedo à Deo datur: & quo fine?

urn:nbn:de:hbz:466:1-9433

§. V.

Quædam dulcedo à Deo datur: & quo fine?

Alia est devotionis dulcedo suaviter mentem afficiens, quæ divinitus datur, ad præmium, ad consolationem, & ad excitationem. Ad præmium ut dum emeritis Dei servis nonnunquam post longam ariditatem, post acria carnis, mundi & diaboli debellata certamina, quædam futuræ beatitudinis prægustatio conceditur. Ad consolationem, ut dum militibus suis in hujus sœculi malis laborantibus & agonizantibus, quibus, ut amplius eos probaret *in camino humilitationis*, nonnihil sese substraxerat, iterum Deus exhibet amoris sui dulcedinem, ac modò solis expertis noto, dicit animæ eorum: *Salus tua ego sum.* Ad excitationem, ut dum in initiis melioris vitæ magnâ plerumque consolationis dulcedine unusquisque excipitur: ut scilicet divinæ gratiæ suavitate prægustatâ, citius pleniùsque omnibus vitiis emoriatur, & Deo (qui est summum bonum) tenaciùs adhæreat. In hoc tamen, qui ejusmodi est, nonnunquam fallitur: *Quod, uti ait D. Gregorius, dum quibusdam donis gratiæ dulce-*

dulcedine inchoationis excipitur , confirmationem accepisse perfectionis arbitratur , & plenitudinis consummationem estimat , quæ adhuc blandimenta esse inchoationis ignorat . Vnde fit , ut dum subitâ tentationis procellâ tangitur , despectum se Deo & perditum suspicetur . Qui si inchoationi suæ non passim crederet , adhuc in prosperis positus mentem ad adversa prepararet : & vitiis venientibus postmodum tam firmus resisteret , quam ea sagaciüs prævidisset . Sed id extrà rem nostram .

§. V I.

Etiam adhuc malis ista dulcedinis gratia subinde à Deo conceditur .

Etiam à se aversos solet nonnunquam divina pietas ejusmodi blanditiis prævenire , & ad se allicere , & animæ adhuc inquinatae gratiam suæ visitationis impertiri . Quod revera ut notat Aëlredus , magnum divinæ miserationis indicium est , ut non solum terrore concutiat , sed omnia mentis claustra seris vitorum obserata suâ penetrabilitate percindens , foedis adhuc labiis , quoddam suæ dulcedinis imprimat osculum , ac ineffabili suavitate suâ blandiatur avertenti , cunctantem alliciat , animet desperante .